

栴

花

盦

詩

少歲從師埋頭帖括中年閱歷粗識讀書家難游更客
遊遠邁廢書自悼俯仰無聊惟借歌詩用消恨緒隨手
散棄錄稿無多刪汰所存裁三百耳置諸篋衍不欲示
人庚申竄避展轉遺失等之泡影亦遂已矣比來滬上
稍有新篇觀新索舊友問沓至燈前枕上默想沈思事
類捕亡情疑尋夢蒐羅補綴二百未盈長歌大篇不復
能憶讀書無成學詩亦爾姑錄是帙志我媿思覆瓿投
淵一任世評獨立蒼茫喟然撲筆

同治壬戌八月之閏二十有八日十如居士自題

楸花盒詩卷止

吳縣葉廷琯調生

憶存草

小雲樓訪周忠介公讀書樓次王簣山廉訪

廣言

壁間原韻

招提閒訪竹間樓爲仰孤臣舊跡留榜字尙看凝碧血

小雲樓三字公被逮時所書

書聲如聽落高秋遺文零落埋千古故

宅荒涼傍一邱

公箚作甚多難後爲戚吳某焚棄宅在墓東林家巷裔孫居之

憑弔忠

魂有名宦薦蘋不藉老僧謀

蘭陵孝女花

紅紫紛千朶蘭陵妙製傳一雙嬌女手八十老親年南

國有春色北宮無古賢寄言閨閣裏莫但愛花妍

讀內弟陳朗玉通守裴之湘煙小錄綴成韻語代

寫哀思

朗玉有姬人晚君之悼薈錄其堂上暨家

撰香

婉樓憶語及夢玉詞輯爲一編阮芸臺先生

取凌忠介公

湘煙錄之意爲題此名余旣題二十

絕句復附

識於此

紫玉西風遽化煙霜禽情海恨難填誰知香草靈均感
詩讖先成十載前

定情本事最風華傳遍青溪姊妹家醉倚玉梅聽俊語
可人夫壻是秦嘉

煙江催放木蘭舟到及蕪城正晚秋一樹瓊花摹豔影

美人端合住揚州

澹埽修蛾月二分孤芳那用異香熏
綠園春燕歸來後
疊損泥金簇蝶裊

寒衣鍼綫及秋忙小隊弓刀送玉郎
風雪天涯能報
國幾曾翠黛怨凝妝

問疾晨昏侍祖庭齋心禱佛乞延齡
千秋賢孝多名媛
至性尤難是小星

寒閨大婦病纏綿藥裹深宵手自煎
甘作東風桃李代
心香一瓣祝瑤天

翦蝶殷勤寄故鄉翩翩自喜勝鴛鴦
那知易醒梨雲夢

梨花龔詩

卷

雙宿雙飛命不長

願佐蘭閨奉老親
報郎豈在侍征輪
綠窗記取殷勤語
要覓清娛作替人

春來小病學維摩
骨瘦香桃冷翠蛾
蕉萃檀奴相伴處
玉簫淒咽洞仙歌

歸省親闈強自寬
人天從此路漫漫
石頭城下無情水
送過明妝送玉棺

玉女投壺紫電輝
房櫳永夜侍萱幃
最憐病榻聞雷際
夢裏還思化鶴歸

粉盞脂奩涸淚痕
妝樓深鎖月黃昏
盈盈素旆空江外

縹緲先歸倩女魂

江國新涼雨又風侍郎來已掩殘紅更無通替能相見
落葉哀蟬一哭中

愁見蘇臺拂柳絲歌離弔夢早秋時雙鬢掩淚瑤笙咽
怕唱淒涼夢玉詞

妝臺愛聽雨瀟瀟更翫涼蟾倚綺寮此後弦秋孤館夜
翦鐙何忍種芭蕉

昨歲吳門畫舫回虎山清梵暮雲開前身香界司花史
環珮還依古佛來

香畹樓頭月自明蕭郎孤影坐殘更一編寫就傷心史

便抵奇香熱返生

玉色瑤情絕妙詞江南詞客弔蛾眉哀言別創千秋例
二老文章大婦詩

秋榭微波冷翠屏歸舟重泊短長亭銀箋拈出傷心句
遠笛哀秋可耐聽

乙酉秋赴試金陵道中卽事同莊清溪

東發

朱條

生

輪作

又趁寒潮到蔣州招來仙侶喜同舟未離塵網慚魚鳥

莫問風檣任馬牛科第百年成斷夢

清溪近從舊書中檢得康熙乙酉科

南闈題名錄

江山六代易悲秋老親惜別還敦勉苦爲浮名

更薄游

書貝三泉丈煦癸未賑荒紀事錄後

名位有崇卑功德無大小誰謂施一鄉未足爲世表
緬昔癸歲秋灾禔起積澇田廬汨洪流巷陌橫餓殍嗟彼
守財虜肉糜恣獨飽指囷誼孰敦乞米帖空好君本經
濟才兼具痼瘕抱未獲民社膺先謀鄰里保同志近可
邀良規古是考功雖三月終福已一方造自來荒政多
所患治人少得如君數輩落落布當道假以事權優勿
使文法撓歌詠春陵哀詔書淮南矯衽席登斯民此事
肯草草掩卷感君懷願世長熙皞

積善菴西院觀古梅同印印川

康祚朱條生 櫺作

一徑招提入尋春與偶乘舊遊懷老輩

錢松壺陳雲伯兩先生前年曾

來遊此

清話萃良朋樹古尊於佛花寒瘦若僧妙香同領

略塵夢澹禪燈

登黃鶴樓作

飛樓天半鬱崔嵬倦客心情到此開遠浦日斜帆影亂
高城秋早笛聲哀江山寂寞餘仙跡戰伐銷沈感霸才
題壁崔郎殘墨在吟魂化鶴倘重來

婦弟陳小雲通守集中有黃鶴樓詩

劇佳去冬沒於漢上故感及之

歲暮得顧子雨

晞元

程序伯

庭鷺

吳門書賦此寄

懷卽次子雨夏初贈別二首元韻

餞春筵上話長征送我征帆一葉輕
省識百年如逆旅終期十畝足歸耕
故山雲樹孤兒夢去秋纔營先君子異地風
霜獨客情減盡吟懷消盡酒鏡中贏得鬢絲生

暮燭虛堂照影單驚心歲序又將闌
他鄉魚素勞頻寄舊侶鷗盟幸未寒
孤露自傷爲客早末流尤恐立身難
故園已負看花約江路梅花忍獨看

詠豹

漢口後湖有外來無賴數輩檻舁一豹
索觀者以錢得錢則買彘肉啖之豹弭
首掉尾摧抑可

憐感而賦此

一別南山侶摧頹氣不伸曾聞隱霧雨誰使困風塵
翰略難經世文章悔誤身雄姿終奮躍飢飽漫隨人

後湖觀水偶得絕句

漢口後湖一名瀟湘湖冬春水涸遍種菜花故
又名黃花地梅雨漲發則汪洋巨浸矣

煙波浩渺似瀟湘誰識春來菜陌黃欲與麻姑話塵劫
一年一度小滄桑

黃鶴延秋歌爲黃芳谷司馬

至棠作

山公習池醉逸少蘭亭遊歐陽龍門雪蘇子赤壁舟古

來才彥多勝賞每借勝地消煩憂矧茲黃鶴著仙跡縹
緲天半懸飛樓謫仙去後一千載高會寂寂江山愁揭
逢黃叔度才本仙之儔登樓曾此啟文讌招邀秋士同
延秋我來惜已晚有轄無因投主客圖存幸相示大癡
落墨雲煙道

黃穀原參
軍作圖

卷中名作更林立快哉滿目琳

琅收想當憑闌攬秋意涼波瀉入金尊流洞庭秋聲木
葉下巫峽秋氣寒雲稠秋色紅歆斷岸蓼秋光白點翔
空鷗侑以管絃秋欲語送來風月秋能酬君之於秋有
神契仙心渺欲淩滄洲緬昔霸圖競漢季此間舊事談
曹劉散花洲上犒軍飲江東曾借周郎籌祗今憑弔戰

伐處秋江數點遙青浮太息英雄浪淘盡豈若文采能
長留期君更作餞秋集鐵笛一奏商聲謳仙人倘亦惜
秋去定復羽衣跨鶴來樓頭

鸚鵡洲弔禰正平墓

漁陽搥罷氣如雲亂世多才最惜君竟使冥鴻罹雉網
也嫌野鶴立雞羣賦辭待勒韓陵石薦表長垂漢代文
太息曹劉紛割據幾人荒壘掩斜曛

歲暮懷故鄉同社諸友各系一詩

生平益友此多聞莊語諧談總愛君一病秋風感憔悴
舌端可復氣如雲

趙禮甫孝廉

吳下才人第一流修蛾曼睞自無儔廿年纔得良媒問

略慰嬋娟晚嫁愁

吳侶棠茂才時方爲學使者識拔食餽齒踰四十矣

中年身世劇蕭騷賃酒傭書興不豪但得清貧留傲骨

男兒莫怨老蓬蒿

陳醉吟上舍

笑指鶯湖作酒杯草堂正對碧波開他年菰雨蘆煙裏

漁隱從君結伴來

徐江帆茂才所居平望在鶯脰湖濱飲中推大戶

酒座詩場感墜權聽松愁說舊門闌書生本色頭銜好

莫笑才人作冷官

汪季白廣文家有白皮松最古聞近將棄所居以救貧

不見莊生半載餘襟懷澄澹氣蕭疎幽蘭門巷真幽絕

恰稱伊人卜宅居

莊清溪茂才

笠東詞客蕭閒甚畫筆翛然見性靈同倚垂虹看春色

桃花一簇鳴漪亭

俞少甫明經畫筆爲王叔翁高第家在松陵城北有笠東艸堂

十年交誼此心知篋裏猶存送別詩屈指長安花事近

春風休更著鞭遲

朱條生虞部由拔萃得官時假滿將還朝併應京兆試

傷心同廢蓼莪篇孝友承家爾獨賢辛苦麻糲風雪裏

空山曾否卜牛眠

擇庶堂孝廉與余先後奉諱余因避家難不得已作楚遊

新詩寄我楚江濱獨向天涯念旅人記否僧寮茶話日

梅花又是一年春

管谷香茂才

夷陵三游洞明人重刻白樂天遊記鄭少山攜示

拓本爲題一詩

巴峽東來勝跡稱香山逸事話夷陵偶因遠宦尋巖壑
暫借閒遊聚友朋雲外泉喧幽磴石酒邊月挂斷崖藤
多君雅慕前賢躅遺碣親搜峭壁登

客邸贈高郵高苴舫

徵卽送歸邗上

江左書名第一流華林秘籍燦銀鈎簪花格已邀

宸賞

苴舫曾寫明鑑全帙進呈荷
睿廟褒許有不讓內廷諸臣之論

泛梗身仍寄客

遊半月鷗盟聯漢水十年鴻隱傍揚州烏絲滿幅珍珠
字展向臨歧總別愁

漢陽月湖隄春遊卽景

東風吹綠到陂田妍暖時光過禁煙客子遊踪常嬾散

梨花盦詩

江臯景物易留連
春波小艇柳陰路
午寺晴鐘花外天
最憶山塘頻買醉
鄉心無賴繞吟鞭

俞少甫

岳

畫梅扇上自都門寄贈

故人千里寫相思
扇底春風寄一枝
似爾緇塵渾不染
依然冰雪舊丰姿

隴頭信早伴郵函
想見含毫墨趣酣
今日梅花翻舊例
卻從薊北寄江南

桃花夫人祠題壁

桃花夫人卽息夫人也
祠在月湖隄上
自來詩文家咸據左傳
於夫人多所譏議
按列女傳楚

伐息虜其君使守門夫人與賦穀則異室之詩
要以同死韓詩外傳亦載之是夫人固以死殉
息侯與左氏所紀大異外舅陳雲伯先生 文述
曾本此說作詩以矯盲左之失又考之史記世
本作文辯堵敖成王非夫人所生其說甚詳余
偶過祠下題詩亦本先生之意庶幾風人忠厚
之旨云爾

東風憔悴此蛾眉家國傷心祇自知設誓定償同穴願
報恩何異墜樓時誰憐薄命花飄溷莫信成陰子滿枝
千古青陵同怨血漢濱轉惜託叢祠

吳江王瘦梅

與沂

自都門寓書以鶴守盒圖索題

爲賦長歌報之

王郎種梅三百樹一盒小築花間住夜深人聽讀書聲
月白香濃不知處不須翠羽啼黃昏此中便是羅浮村
有時客到聞剝啄老鶴一聲先應門青衫策蹇游京國
兩載花時歸未得繁英吹滿舊書窗鶴步虛堂黯塵跡
頻向春明憶故廬幸攜摩詰輞川圖圖爲王叔哇先生所畫寒叢
細認盒前樹一夜歸心滿五湖緘書索我題長句猶記
相逢玉峯路離合雲萍又五年此情合向梅花訴我亦
塵緣未息肩故園屢負看花天春風期爾歸帆早同醉

茅簷抱鶴眠

趙竹簷

桂生

捧檄赴蜀道經漢上快敘旬日賦此

贈行

客路逢君又送君天涯何日再論文萍浮遠水風初合

雁到長空影易分名士壯遊宜入蜀才人薄宦愛參軍

酒邊更觸懷人夢薊北江南總暮雲

時條生瘦梅仍留都門少甫方山已

還吳

下

客中爲人題蘆雁小景

征途伴侶偶相依風露叢中暫息機入世早知繒繳近
謀生肯羨稻粱肥夜涼楚館銀箏歇天遠吳門錦字稀

誰識塗鴉題句者江湖飄泊正孤飛

筆山吟屋詩全椒金子春茂才

旺華索作

怪爾毫端逸氣催
凌雲勢若鬱崔嵬
試看老屋吟壇啟
正對奇峯筆陣來
抹月批風如有助
倚天拔地始稱才
配他萬管編成筏

用隨園老人夢中事

歸夢浮江一溯洄

觀子春煙波畫船冊子偶憶吳中舊遊

江南此境最銷魂
舊夢摩挲尚有痕
雙櫓曳聲迴綠水
千燈浮影送黃昏
秋風蘋葉尋詩路
細雨桃花賣酒邨
他日五湖容泛舸
鵝夷名姓待君論

王節母詩爲令子漢槎上舍

熙源作

夫亡婦守節事比死節難死猶血性激守必庸行完煌
煌文恪裔迺有貞節母自李歸于王十六及廿九一旦
痛分訣誓死將從夫勉奉舅姑命爲夫撫兩雛豈期厄
運頻舅姑相繼沒一雛旋又摧淚枯血亦竭顧念夫沒
久未獲歸山邱一雛方稚弱竈竈將誰謀爲夫撫幼雛
仍遵舅姑命葬夫與教子廿載心力竟雛今已授室額
天爲母旌 天恩自褒節母意遑求名古來殉節人
一死無餘事試較母所爲孰難而孰易

寄內

南浦春波送客舟流年似水又深秋憐卿力瘁營巢燕

恨我身成逐浪鷗夜雨羅衾應夢遠西風錦字但緘愁
嫩寒病體須珍重早雁聲中莫倚樓

金谿李香谷

湘

自夔州還過漢臯客中把晤賦贈

二律卽書其昔年字水省親圖後送歸故里

風雪殘年盡江湖獨客還詩才前輩重

雲翁極賞其詩

旅跡暫

時閒葉落荆門樹花明蜀道山一樽聽話舊聊與洗塵
顏

陟岵詩人事趨庭孝子心丹青留昔夢風雨動哀吟征
雁寒依渚啼鳥倦返林望雲增我痛親舍渺難尋

鄂城拜家忠節公祠下敬賦

公諱映榴字丙霞號蒼巖上海人以進士官湖
北糧道康熙戊辰殉裁兵夏包子之難事詳

國史及志乘余於公爲族裔自幼熟聞公殉節
事今來鄂渚展謁遺祠盟手題壁以志企仰

艱難大節重吾宗叛卒鴟張變猝逢袒臂誰從周太尉
戴頭空奮段司農孤臣心跡懷中疏志士身名匣裏鋒
憑弔江城歌楚些風雲滬瀆想靈蹤

秋夜讀雲伯先生頤道堂詩續刻敬題一律時方
得吳門書卽以奉懷

聽徹瀟湘旅雁聲心香靜爇夜三更漫從色相窺文字

妙借神仙寫性情楚蜀風濤頻遠夢

屬遞巴渝諸札

江湖花月

又離程

聞將往揚州

津梁夙有平生願歸隱他年傍碧城

錢塘王第花茂才

林杏

屬題瀟湘歸櫂圖

我生不識羈旅愁卅年鄉里聊優游乘下澤車騎款段此意直欲輕王侯前年忽作漢江客經歲勞人滯萍跡

瀟湘湖上一閒鷗

余有小印刊此七字

孤負頭銜還自惜春風去

年好送我歸帆峭落花飛絮滿篷窗兩岸青山如索笑

豈知塵事易牽率今年又泛瀟湘櫂瀟湘湖水足煙波

君昔歸去曾經過感君示我此圖冊蒼茫離緒樽前多

君家西冷山水美好景豈但瀟湘似我亦龍威舊鄰隱

碧螺峯下堪棲止何爲同此客天涯猿鶴空教怨遊子
瀟湘春水明年綠相期第二圖須續未續圖中畫且和
圖中詩詩成夢渡瀟湘去只有瀟湘夜月知

詠懷和芳谷韻

此生合辦五湖舟霜梗頻年感滯留世路功名徒氣短
天涯朋侶易情投狂懷有夢思騎鶴薄技何心炫刻猴
眼底卻憐無限事幾人未雨肯綢繆

序伯索題所藏侯記原先生雲都十七郎官印

事見

先生昔病錄蓋紀少年遇仙而作說者謂先生因國變後託爲寓言是或然歟

家國滄桑恨未窮蓉城殘夢感恩恩憐他一掬遺民淚

都付靈談鬼笑中

賸水殘山此逸才
秬園遺址亦蒿萊
一拳留得清虛字
曾歷恆河浩劫來

印印川齋中詠蘋花

汀洲託跡久忘機
高士移栽得所依
斜日亭亭香乍斂
花過午則斂澄波瑟瑟影偏稀
山廚薦俎宜騷客
江澚遺鈿倘宓妃
欲采西風轉愁絕
瀟湘天遠碧雲飛

爲程渚蓀

集義

題莫愁湖圖卽送赴省試

南朝樂府憶傾城
賭墅風流說舊京
賴有英雄伴兒女
不教西子擅湖名

十年未賤石城舟
畫裏垂楊又早秋
俊侶難逢良會散
一湖煙水比深愁

故人又趁秣陵潮
重踐清遊倚畫橈
寄語盧家雙燕子
舊時詞客鬢絲凋

張淵甫廣文

履

靜觀齋四詠

卻掃讀書

遊子風塵慣馳逐
勞生恨少讀書福
閉戶欣逢開卷時
又苦齋鹽謀局促
掃地焚香見此人
俗緣不累草堂身
十年曾賃春明宅
如臥荒江寂寞濱

停琴遲友

樹花齋詩

男兒束髮事縞紵口友面朋心弗許意中落落數何人
堪共平生肝膈語金石盟因車笠寒有時管鮑難爲懽
賞音易遇知心少囊住湘絃未忍彈

春郊放牧

仁人豈待事權受但觀素懷良獨厚一陂春草半畝宮
視牛如兒牛所毋芻牧當求世誚癡鞭笞誰復問瘡痍
得君數輩身司牧元氣能回百物熙

山居種樹

順木之天致其性郭橐駝言喻爲政此理還於師道該
教貴因材才始盛松柏冰霜桃李風栽培一例付園公

春華秋實都成就始信先生是化工

明太僕寺少卿徐泰掖先生遺象

明史無傳事跡載太倉州志

史局編摩失此公幸從畫象識孤忠留垣有疏驚先見

點籍無名恥善終

官南京給諫首劾魏忠賢於未用事時故未被璫禍

肯戀閒官

隨仗馬永懷故國託冥鴻

以同卿引疾歸遇國變高隱不出

百年論定

鄉型在祇爲梅邨恨不窮

冬柳次蔣少泉

如洵韻

朔風銷盡晚煙痕無復長條綰客魂倦馬踏冰江上驛
亂鴉颭雪水邊門佳人遲暮眉羞畫名士飄零髻易髡
一自金城揮涕後歲寒心事共誰論

松陵族人朔生茂才堯冀以其六世祖古為先生

傳見示敬題一律先生諱樹人以布衣居同里鎮順治乙酉薙髮令下不屈而死

士林私謚毅烈事詳同里先哲志傳為唐陶山方伯所撰

故國降幡出殘黎脫幘收頭顱拌一擲毛髮共千秋大

節吾宗仰遺文後嗣搜箸有春暉堂詩文集已刻布衣能抗志簪冕

魏名流

序伯西冷紀遊圖冊

平生慕西湖未暇謀一面聽客話遊蹤妬之輒復羨何

意措吟眸所思一一見多君手腕靈替我腰腳倦君言

湖山奇萬態令人眩煙波晴雨宜雲嵐晨夕變幽賞意

外新清景去後戀領略趣各殊追慕力難徧卽今數幅
圖湖山態活見導師君肯爲遊侶我自薦置身畫圖中
鼓枻春江便

頤道堂與子雨夜話出示寒檠永慕圖觸我悲懷
泫然有作

春暉逝後夜漫漫十載孤兒淚未乾重向青燈披蠹簡
更無白髮和熊丸九原應憫飄蓬跡時余復將作楚游五鼎難
償啜菽懽翦燭共談風木恨劇憐身世困儒冠

丁酉正月九日偕印川泛舟山塘遇渚蓀邀飲丙
舍梅花下酒後同登虎阜閒眺

隨意尋芳一棹浮相逢近局且勾留春波淡似將離夢
野客閒於不繫舟眞率壺觴便渴吻清疎林壑快吟眸
小園合結梅花社擬待他年志虎邱渚蓀有重修虎邱山志之約
春初偕卽川過積善西院探梅值僧家有事深翠
堂鍵閉不得入悵然賦此

探梅年例早春天惆悵禪扃此度堅一樹花如新婦閉
半牀葉擁病僧眠仙姿絕世人難替殿外小梅二株已著花僧雛指以娛客
綺障橫生佛亦憐莫問舊遊詩畫跡前年探梅曾屬友作圖同人題
詩送昨夕陽寒送剡溪船
院中

越數日偕徐江帆錫琛少甫序伯渚蓀重過積善

西院得至古梅樹下喜疊前韻

東風又近落梅天重款僧廬意倍堅不負扁舟勤遠訪
偶教老衲破清眠隔牆瘦影看先喜滿地殘香踏更憐
寫取苔枝付行囊者回春色壓歸船

少甫序伯對花各摹一稿去

前日印川因畏冷未同遊翌日有疊韻詩見示再

疊前韻答之

耽幽有客住鷗天

印川家閭名

虛說尋芳舊約堅屐齒嬾從

香雪印牀頭貪擁輦雲眠閉門覓句情難忍聽雨傷春
意可憐莫負年時花事好浮生幾泛看花船

遊後意有所感三疊前韻柬印川

此生定命早由天忽墮愁城百雉堅作繭春蠶徒自縛
忘機水鳥慣聞眠飢來媚俗人誰諒冷處尋歡佛倘憐
指點眼前無礙境中流容與一虛船

雪湖楊高士遺象詩

高士名執字碩夫平望人少得異人術能前知
明末從瞿忠宣公撫廣西定寇亂王師下桂
林瞿公被難風洞山高士哭於定南王孔有德
軍前請斂其屍凡四日夜始得請並斂同殉難
諸公一時義聲動三軍瞿公孤孫爲軍中劫去
力爭脫之終護其家扶櫬歸葬虞山隱居三十

餘年卒墓在平望雪湖濱後人稱雪湖先生范

君

用源

得陸清獻公手書所撰楊高士詩序及

山人錢雲方外性因所作楊碩父傳因爲補象

裝卷徵題

能乞王琳首兼存李固孤諸艱曾迭濟大義孰同扶藏

壁心何壯登臺淚已枯英雄有本色何必作仙儒

謂卷後諸

家所論或稱其已成仙或惜其未學儒

遯跡遺民志悲歌俠士風故人已歸鶴

忠宣夫婦歸櫬時有雙鶴飛來

集其先世會元坊上此老竟冥鴻煙水餘生託兵戈舊夢空百年

留面目浩氣尙如虹

過通濟龕訪覺阿上人 祖觀賦贈

心事誰憐詠鮮民早從塵海悟翻身傳經父是開山祖
杖錫兒仍負米人一陽寒香供潔養數峯遙碧認禪鄰
龕居祇是家庭景惜少天親證夙因 弟某同出家名不退已逝

偕內子萼仙放舟過積善西院探梅疊去年韻贈之

春風雙載鏡中天一碧溪流解凍堅經歲相思酬夙願
隔宵預約損清眠便期泛宅長偕隱莫擬窺粧偶見憐
花海煙波知更勝壻鄉何日共移船 西溪花海梅花最
先生有花源
艸堂在焉

序伯來復偕過積善西院看梅有詩索和

看花不厭數好友況同過一院晝疑月半溪春始波禽

聲散風竹人語入煙蘿濡筆重摹影離奇認舊柯

序伯復對

花寫一稿去

戲題鍾進士象送人從軍

一劍能清孽海塵卽看鬢畔已回春

象簪紅梅一枝

誅奸磔鬼

尋常事灑落如公自可人

浮世勛名本夢中書生發憤竟稱雄祗愁別有終南徑

談笑無勞計首功

早春同管谷香

蘭滋

入山過無隱庵晤小衡上人

閒話谷香先得詩次韻

林谷春回黛色含步尋蘿徑到精藍梅身似鶴橫當路
松影和雲浸一潭題壁紀遊嫌著跡愛山券隱亦成貪
題名住山皆是日所談廿年塵夢仍難醒欲與禪那仔細參

石湖石氏祠中新構水閣可攬湖山之勝春晚過
訪眺賞彌日梅孫茂才麟索詩偶成二律次章兼
紀是日湖上遊踪

觀禮升堂憶昔年前年祠始建曾來觀祭看山曾訂再來緣全收
好景初開閣快續清遊又機船遠水白含帆外雨羣峯
青倚鏡中天此湖合待君家住鑑曲高名許其傳

討春扶醉踏長橋勝侶相攜不待招

吳侶棠古木叢祠石芝泉

懷舊隱

范文穆公祠相傳卽別墅遺址集中所謂石湖舊隱也

野花輦路感先

朝人來蕭寺鐘初動佛去空山塏尙標

楞伽山寺數年前爲大府所毀

僅存塏身子立十里菜畦黃潑眼歸舟那惜暮江遙

辟疆小築詩爲顧湘舟

沅作

名園竹樹鬱蒼煙東晉於今逸事傳漫訪叢祠尋古跡

謂僞刻況太守辟疆館記所云王惕甫黃蕘圃二公辯之已詳嚴問樵爲湘舟作記尙沿舊訛

且營別

館繼前賢圖書似擁金樓子風月宜招玉局仙

構藝海樓藏書

甚多尾與蘇公祠鄰他日來遊應識我墨緣契合已多年

軍門陳忠愍公遺象

海上長城失江東列郡驚文淵尸竟裹先軫面如生諸
將心肝其麾下多從殉者遺民涕泣傾威容留片紙尙足懾蛟
鯨

韋君繡光徽築生壙於法螺庵旁索詩以紀

悟徹無生旨勞生汜可休偶然盟息壤卽此亦浮漚古
寺萬花白空山明月秋吟魂他日寄應許我同游

劉丈礪香徵得遠祖雪樓處士遺硯拓題款見示
徵詩硯爲吳君雲亭所贈

舊家片石等遺簪意外重逢感倍深曾佐軍書儕眉鼻
處士生元末因寇亂幸留款字做碑陰背有雪樓二大
字下爲處士八
曾起義兵保鄉里

世孫琛
題記
還珠敢忘良朋誼
完璧能安列祖心
一代流傳
佳話匹兕觥
歸趙共高吟

題濠上江氏讀月樓

雕櫳深處不知秋
靜夜攤書月滿樓
但卷湘簾鋪斐几
比他升屋自風流

碧天涼浸畫闌干
塵土濠南此境難
卻笑當年元敬宅
一燈風雨太酸寒

題袁生錦湖

文瀚

夜唸樓

生家以米爲業樓名用周青士故事

春杵聲中筆硯安
小樓燈火出河干
不妨高唱驚人句
隔壁今無渴睡官

茶冷香銷獨夜情
苦吟那惜送殘更
憐才可有鄰家婢

爲爾寒機徹曉鳴

此沈歸愚宗伯未遇時事
見郭頻伽靈芬館詩話

明金孝章先生象

舊藏先生畫梅冊乃甲辰花朝前五日山中看

梅還所作今春余適探梅光福諸山歸後得韓

丈履卿

崇

借示雙林菴吳氏所藏三友圖象敬

摹一本裝於梅花冊首并系以詩

雙林里溯風流遠

吳氏屋即先生舊宅
春草閒房尙在

三友圖傳契合真

能識先幾辭世網更堅晚節棄儒巾
生來自具寒梅格

劫後閒看小草春

汪鈍翁撰先生墓誌云
明亡吳中好事者皆棄巾服以隱者自命
天下旣

平初終一節
實無幾人

百八十年遊躅繼墨緣重拜畫中身

得遠祖石林居士孔耳石題名拓本敬題

石高四尺許色黑水紋甚細正側有大小兩穴
形如人耳故名背近巔左行刻十八字曰少蘊
無言慧覺道人宣和癸卯四月辛亥同來無言
者長興劉燾之字無言善書而於石林公爲前
輩今名居次當出其手癸卯爲宣和五年卽公
卜居卞山石林谷之歲蓋此石本卞山厓壁間
物卜居時偕無言閒遊題記故有同來之語後
人見爲二公遺跡乃斲取藏之耳若癸辛雜識

所記玲瓏山歸雲洞無言石林題名雖同在癸

卯歲固別是一石也

按陶宗儀遊志續編采石林公玉礪雜書記玲瓏山

之遊在癸卯三月十六日同遊者尚有葛魯卿林彥振莫彥平三人

吾祖昔歸隱卜居蒼弁岑閒蹤留片石古刻重兼金異

代蒐藏癖

向藏長興丁氏今歸武林汪氏曾攜至吳門余得見而拓之

名家箸錄心

錢氏金石文跋尾阮氏兩浙金石志皆載之

誦芬餘翠墨緬想舊巖林

事繼向禽跡人邀支許儔濡毫讓前輩蠟屐紀新遊避

暑應忘話

避暑錄話多記山居事獨未及此

歸雲更待搜乖龍誰割耳

猶幸免封侯

良嶽奇峯封盤固侯者采之洞庭西山後為金人輦去

毛叔美

慶善

以其配顧婉芳夫人所櫺松壺子梅

隱庵圖遺畫索題

畫手鷗莊逸趣賒

松壺子居西冷野鷗莊

一茅庵擁萬梅花卻勞

茂苑佳人筆重寫孤山處士家屬稿待郎供鵲硯展圖

呼婢舉鴉叉祗憐清夢羅浮短紅豆樓高月易斜

往事淒涼一幃存難忘茶熟與香溫愁看碧嶂低鬟影

猶是紅閨舊手痕花海竟虛偕隱願月林疑有待招魂

感君弔夢歌離意忍作雲煙過眼論

徐俟齋先生自畫澗上草堂圖

畫爲毛叔美所藏絹本立軸

地老天荒此閉關澗阿高躅渺難攀早嫌黃綺輕歸漢

不諱巢由竟買山世外心交甘共餓

嘉興李潛夫不輕受人物先生謂任

其餓死門前節使悵空還撫部湯公屏騶從再訪不得見歎息而去殘縑莫

認盧鴻筆盧鴻嘗自作嵩山草堂圖中有滄桑淚點斑

回文鏡齋主人小影

清寒家計賴卿持補屋牽蘿事可知似此焚香擁琴坐
廿年曾遇幾閒時

縞綦聊樂不嫌貧梁孟居然見古人裝點山家偕隱趣
芳蘭修竹一林春

大石塢紀遊和沈石田先生元韻

端居忽不怕出郭思載酒西山多奇勝大石久翹首良
朋興正同佳辰晴亦偶擎舟波路遙策杖石徑陡十年

慕林壑到此開笑口庵倚峯腰嵌樹迸巖腹剖危嶂驚
鸞聳飛梁瘦蛟走遊客屢忘疲山靈真善誘幽討緣苔
坡小憩啟竹牖泉甘勝醍醐碑泐類岫嶠舊遊孰可擬
洞天厯第九亦欲效前賢題名記誰某庶留文字緣不
隨臺殿朽坐待山雲歸倏焉變蒼狗

覺阿上人索題乞琴圖卷

洪君忍甫藏甘白居士張子宜紫瓊琴上人乞
得之屬顧君苴塘作圖自題五古一篇並索同
人題句

爨下材真遇賞音故交許贈亦情深怪他萬念皆空後

獨爲枯桐忍不禁

果然異品匹靈開不羨嘉名綠綺臺閒臥梅花伴枯衲
此琴也似出家來

高人自樂隨緣助釋子偏勞報禮忙比似媿琴留韻事

琴媿軒海昌
查梅史事

畫圖聊作聘錢償

百年甘白渺遺編剩有龍腰異代傳一曲招魂草堂夜
定應相約薦寒泉

華嚴小劫誤塵遊羅刹相逢等海鷗應有新詩更馳慰

冰絃無恙奏歸舟

今夏上人雲間返棹
遇盜怯陰獨還此琴

題貝子木

青喬

咄咄吟

慷慨從軍樂悲歌行路難正愁兵氣惡那得賊心寒
師已奸胥漏刑偏愛將寬此中成敗局冷眼有人看
浪設翻城策同糜報

國身英才誤庸帥敗績見完人帶汁逃羞亮張髯怒奮
巡忠魂奇句慰斗大走青燐

幕府清流集軍門廣廈開鳳鳴驚一士狗盜笑羣才義
旅官能冒奇功敵亦猜勞君磨盾記抵得策勛回
並海鋒纔挫橫江燄又驚帳中方坐嘯城下已聯盟券
合藏金匱錢難算水衡空教投筆者詩史擅才名

輓顧石衡茂才

一鳴

卽題其編詩圖遺影

願輯風詩一代陳吳閻高築選樓新才多自昔能妨命

志大偏教早隕身野史亭中傳有例

君編詩欲仿中川集人各系以小傳

附載逸事別裁集後續無人

所編直接集後已得千七百餘家

纂書未

竟修文召痛拾叢殘白髮親

父尙在

魏大和三年銅熨斗詩沈匏廬觀察文

濤

屬賦

刻於熨人跗上文曰大和三年二月廿三日中尙方造銅熨人熨斗重卅四斤十二兩第百六其制

甚詳文多不錄

威斗曾將漢室傾當塗遺器製尤精奸雄運各殊衰旺

新莽知難熨恨平

王莽威斗卽熨斗之制所自昉

識文石馬亦堪哀魁柄潛移國祚摧留得一杓含古綠

八坊幾輩手持來

明帝於芳林園立八坊以處諸才人見魏志裴注大討曹識文亦見是時

漳水臺傾蔓草秋摸金尉早鳴鑪收

近人有藏銅爵東閭鳴鑪者孟德款

字俱全云從漳河淘得

熨人倘憶初辭魏定學銅僊淚暗流

廿八文全款在跗詩翁手拓更摹圖驗餘引我遊山夢

斗柄尋秋入五湖

西嶺山北麓有崖名熨斗柄境絕勝石田六如皆有圖

丁未正月十有一日泛舟山塘登靜觀齋閒眺偶

憶丁酉正月之遊即用壁間舊韻

春遊無定似雲浮老去閒情觸處留七里鶯花迎舊客

十年身世又扁舟溪山勝地貪行腳衰病餘生快縱眸

題壁重尋故人筆劇憐宿草兩荒邱

丁酉同遊者卬川渚蓀皆有和作今

俱下世
多年矣

朱子鶴

和義

萬竹樓

子鶴善畫竹藏有雲林萬竿煙雨圖故以名樓樓前實無

一竹也

畫竹原須胸有竹頃刻槎枒吐滿幅取之無形萬象森
安用簣筥繞我屋煙雨橫飛四壁春一樓如倚渭川濱
蕭疎自具高人格中有雲林墨瀋新

匏廬丈屬題河朔訪碑圖紀守真定時事

碑幢朔野半蒿萊訪古曾邀五馬來壇蠟能消靈鬼恨
龜螭都識使君才漢唐經史供商榷河嶽風煙入鑒裁
欲乞行滕分翠墨三公片石等瓊瑰

光緒四年三公山碑湮沒六百餘年

訪得復傳於世見丈
所撰常山貞石志

匏翁昔嘗索關午亭太守作圖紀與李子文孝廉
恒陽訪碑事越數年李君卒關君遠宦滇南匏翁
自題清平樂一闕志存沒聚散之感屬詠其意

一編貞石志恒州曾共心交蠟屐搜文比歐洪增妙跡
地當燕趙快清遊十年感逝填詞夜萬里傷離讀畫秋
今日劍池閒剔蘚南來鴻爪又看留
匏翁方欲搜拓虎
阜石刻並擬題名
劍池
壁間

序伯摹先外舅雲伯先生遺象與平日所得尺牘
合裝成冊見示感題

碧城已返謫仙人弟子招魂意苦辛摹得歐陽遺象在

果然蘇本獨傳神

用陳后山語

孟公尺牘人爭寶況有師門道誼留商略文章感身世
此中字字足千秋

雲亭奇字君曾問韓集遺文我待編各有辦香心事在
酬恩何日悵華顛

序伯以夢隱記見示題後

一覺青山夢三生白業禪虛堂還本相初地證前緣僧
綻秋衣兩人鉏廢礎煙此間堪券隱行腳惜年年

亡友印印川舊有風雨聯吟圖王叔翁所作紀其

少年時兄弟舅甥啗社事也身後落常賣處余以
他畫易得重裝題紀

身後圖書散若雲偶從尺幅挹餘芬蘭亭肯換崔徽畫
此例援來特爲君

後死居然責已酬聯啗一序蠹餘留

余與同人爲印川
輯刊鷗天閣遺著

初竟印川自撰風雨
聯啗序亦搜得編入圖中主客應相慰冷月荒墳共唱
秋

風雨聯啗圖索印川舊交題詠旣滿再系二絕句
三年心事此時消遺畫徵詩當大招定有啗魂來入夢
夜窗風雨正瀟瀟

也知過眼等雲煙無那寒爐別恨牽留與詞人更懷古
百年殘墨護鷗天

冬日遊堯峯鳳巢庵有懷覺阿上人

筇輿步步踏煙嵐夾徑松篁羃蔚藍僧舍小於巢綴壁

齋厨窄若甕浮潭山將花作諸天供蠟梅山茶盛開佛許泉分

下界甘汲獅乳泉攜歸莫怪禪那曾券隱幽棲我亦願同龕上人

有鳳巢券隱圖

班婕妤團扇驚秋圖

玉顏遭妬最堪傷怨入西風扇影涼若問昭臺宮裏事

篋藏猶荷主恩長

時許皇后居昭臺宮後以事賜死

漫言見事到秋遲同輦能辭寵遇時翻羨南朝歌婢好
流離扇底有郎知

竹隱山房贈鄭幼真

杰

萬竹綠無際一峯青有情草堂佳處構高臥足平生身
入輞川畫人傳谷口名侯封千戶富那及隱君清

嚆城雙貞詩

嘉定黃君潛夫子宗魯聘于胡三子宗英聘于
葛潛夫故後數年二子相繼殤胡矢不他適歸
黃氏素多疾以歸寧卒於母家年十九葛聞訃
亦卽病亡年十三潛夫尊人石香翁屬程君序

伯畫女貞木兩株作雙貞圖徵題余適讀歸熙甫貞女論韓君望沈烈女詩方欲立說辨之因卽借雙貞事抒所見焉

昔者歸熙甫箸論辨女貞女而未成婦不得以節名後來韓君望有詩若應聲斷斷談古禮析義非不精豈知熙甫晚爲張女貞節記不泥初見說已更謂夫禮教設本以率中行賢智偶或過非可常度程譬諸夷齊首陽餓尼山乃有求仁評後世論人毋執一當奉聖語爲權衡我觀宋明末氣節尤觥觥韋布未委贅抗志常捐生男兒得此已殊絕何況婉孌之質能以一死堅心盟韓

翁非好作苛議拘文牽義斯難平所慮庸流借此自解
免有關世教良匪輕我誦其詩梗胸臆探喉聊爲雙貞
傾雙貞女居嚠城姓胡與葛字黃氏守貞死節同錚錚
致身原不媿烈士通經那得繩媼姪正與熙甫後記合
各行其志由中誠癡鈍世間萬馮道見放翁詩視此判若渭
濁與涇清此事表揚足風世我詩不顧迂儒驚

次韻谷香同過積善西院訪古梅有感作時庵僧
化去深翠堂將圯古梅亦半萎矣

去日駸駸似著鞭卅年幾到此堂前興亡久閱花宜老
榮悴相忘佛自賢廢院春遲藏古雪荒林日澹墮寒煙

遷流莫漫悲塵劫只合癡頑學散仙

潘順之太史

遵祁

以乙巳假歸途中九日畫墨菊

冊見示屬題

煙江迢遞送歸舟佳節聊將翰墨酬看遍長安花事好
淡懷只寫一枝秋

丰格淩霜韻絕塵玉堂人本自傳神他年

御苑摹殊品更與鄒家譜競新

鄒小山宗伯畫譜後載
內廷洋菊各種頃以

此書印本
見貽菽云

計日尋秋故里還魏公老圃鎮常關不知綸閣裁詩處

謂芝翁歲
朝賞菊詩何似蓬窗點筆閒

明季甫里許中書自昌梅花墅圖冊

墅爲中書娛親之地鍾伯

敬有記在國初已捨爲海藏庵繼復改民居今無遺跡矣圖係顧元昭臨莊平叔本不詳何處人

占得煙波近五湖高陽舊隱比仙都事經桑海皆成幻
境現華嚴亦就蕪洛下名園興廢記輞川別業後先圖
萬重香雪娛親地劫外曾留一樹無

讀劫灰錄李定國傳感題

運終陽九得斯人殘局天南繫一身諸葛出師同盡瘁
定國因觀伶人演武侯出師事感而歸明見祝宗祈死
丹午雜記後屢攻緬甸欲救桂王卽秉此志亦成仁難存絕域流離子足愧中朝反覆臣鼎足何騰
瞿堪合傳平心未敢薄黃巾

鄰友醉綠軒題壁

綠淨真可飲清陰涼一龕高人常獨醒對此有餘酣風
露醒難析煙霞癖其甘餽糟豈無客塵味讓渠耽

徐節母勁節樓詩

餘生強作廿年留淚染江楓樹樹秋

徐氏舊居楓江

力任家門

三世責思寬泉路一人憂撫孤事豈殊存趙臨沒言惟

屬報劉

節母沒時姑尚在

勁節本來同竹柏汝南圖後又高樓

袁氏竹柏樓圖亦楓江舊事

明潞王畫蘭石刻拓本

虎邱雲巖寺西湖虎跑寺皆有石刻虎邱本款題庚

辰秋仲寫於萬卷書齋後署敬一二字起首長印曰大明崇禎十三年後方印二一曰蘭花道人一

曰潞王敬一主人中和父寶西湖
本亦題庚辰年作惟多詩二十字

玉殿清閒藝事工愛將翰墨伴絲桐

王善鼓琴嘗製琴數百張傳世稱潞

琴

自撫朱郎幽花格許傍緇林忍草叢弱植難扶南渡

後孤芳甘落北風中湘蘭從古多哀怨感到滄桑更不

同

天涯芳草泣王孫何處春風可托根集蓼早憂家國難
分茅空負祖宗恩心皈古佛香留影淚灑遺民墨有痕
王素奉佛杭人因王迎降得免兵革德之呼潞佛子片石長期依淨土免鋤匪種
在當門

曉渡太湖遇大霧幾至迷路收港後口占示兒輩

挂席重湖一葉輕
混茫頓失曉天清
蛟龍水底疑嘘氣
日月空中亦避行
無復羣峯環畫障
難同大海測鉞程
迷津有柁須牢把
覺岸原從定力生
是日舟人欲迴帆
始得
浦散

彭仲山朝以所撰移石紀事文見示爲賦一詩

卷石峴衰盛高門誼士持
天能將恨補山竟效愚移海

獄蒐奇地平泉感舊時
吾家孔耳在誰與返仇池
石林居士

孔耳石上有宣和癸卯題名舊
在長興今爲杭州汪氏所得

題孫則莊周大瓠堂詩卷卽次見贈原韻

獲誦君詩我最先
此才早信後來賢
自誇老眼如公路

能識孫郎在少年

數年前君舅氏徐稼軒以君所作一卷見示

朱

西

生王

井

叔蔣

淡

懷緒

仙

根潘

功

韋

君

繡沈

閩

生

逝

後吳

中

作者

稀

喜爾野狐禪不惑徑尋島佛得傳衣

君近年學詩於覺阿上人

避兵滬濱之華涇兩月冬初由泖湖歸吳門

江海烽煙迄未休思鄉聊復理歸舟世緣自悔多情累

家具猶嫌長物留細雨春帆歧路恨

春秒聞訛言遷滬實失計

清霜

曉角旅人愁

青浦勇丁盤詰甚嚴

戰塵纔隔睽眸豁蓬底青山作

臥遊

春初過覺阿上人五百梅花草堂茶話

探梅年例早春天

舊作

趁著尋僧便放船寒霧欲催千

嶂雪香風初散一林煙修羅劫重須宏願舍利光奇證

夙緣

上人有禮懺銷兵之願並話所見阿育王寺塔中舍利子光

顧況相逢如有約

草堂羨爾伴臞仙

巢蔭塘不期而遇時在庵度歲

黃仲則先生遺硯為其孫志述賦

硯有先生自製銘及洪稚存太

史題字身後為合河康氏所藏近年昆陵湯紫卿為乞歸志述

太白樓中客騷壇一代尊死猶留片石天為付孤孫餘

潘晉爭漚殘煤淚有痕再傳歸趙璧聊以慰吟魂

楊大瓢山人遺象

山人事跡詳舊蘇州府志流寓傳

廿年涕泣思親夢萬里冰霜出塞行楓陛陳情歸骨遂

柳邊紀事簪書成依人不礙遺民後流寓長垂孝子名

世士宦遊忘陟謁披圖何面見先生

王硯農

之佐

得伯鸞二字銀印定爲梁高士物拓

示索詩

滅竈曾聞童子鴻早年名已重扶風頌辭廿四題箋就
定押芝泥兩字紅

廡下無多長物隨伯淳可有印同鼎五噫歌後逃名亟

安用摹傳舊字爲

列女傳稱鴻字伯淳其改名則作運期而字俟光與范書異

偕隱真宜字俟光東遊惜未篆成章鳥嚶縱有懷人詠

緘札難鈴寄故鄉

鳥嚶之詩寄故鄉友高恢而作亦一隱士

豕傍要離殉葬來土花猶帶漢時苔雲臺諸將勛名盛

肘後黃金總劫灰

已未夏紀所聞

黑頭爰立受恩偏報國無心但學仙不死羊城死鯨窟
惜君仙藥誤延年

羈魂應返海天東誰遞唵箋趙趙風一范自居堪破膽
翻教剖腹屬元戎

紀金吟香刺史

寶樹

六安州殉難後歸骨事

恥作逃官殉此城書生能不負科名已聞故里衣冠斂
誰料荒原血肉橫入夢衛公魂有語歸元先軫面如生
孤兒遠道迎遺櫓尙聽遺黎飲泣聲

補遺

春日飲孫箕畦書齋

境僻無塵到與公舊結廬軒窗皆灑落花木自扶疎課
子儲綳帙娛親奉板輿漢南繁麗地難得此幽居
勝地閒吟社清遊集酒人題襟徵故事修禊趁芳辰客
與蘭分座家依竹結鄰西園圖待續占得楚江春

題子春詩卷後卽以奉贈

三年作客楚江濱攬佩論交愛此人早識因緣留翰墨
尙憐踪跡溷風塵夢回畫舫情宜醉家傍奇峯筆有神
難得應劉多妙侶鷗鷺心性易相親

謂芳谷及
同客諸君

爲人題春隄試馬圖

南陌尋春趁少年，玉驄嘶破綠楊煙。此時風雪龍沙外，

飛騎何人縛左賢。

時聞回部之警

芳谷舊賦已涼天氣未寒時，五章幽情麗句芬。惻
動人暇日索和，卽效原唱，輓轡體紀其本事。

已涼天氣未寒時，感舊傷離一卷詩。春水白魚難比目，
秋風紅豆易分枝。敢期縮地逢仙幻，但乞回天仗佛慈。
梅子心酸蓮子苦，十年情味問誰知。

綺閣尋芳慰所期，已涼天氣未寒時。雙眉懶畫思公子，
半臂親添避侍兒。癡蝶有緣酣冶夢，春蠶無力解情絲。

箇中多少銷魂事儘付紅牙絕妙詞

驪歌容易唱臨歧良會無多又別離百結柔腸千點淚
已涼天氣未寒時初心宛轉依琴軫後約丁寧託酒卮
欲把長江當銀漢靈修奈比女牛遲

境到傷心不諱癡每煩青鳥訴相思鸞箋手跡親封蠟
鮫帕啼痕半浣脂似醉情懷將醒夢已涼天氣未寒時
紫釵幽怨分明是祇少黃衫俠客知

驚鴻聽說畫中姿累我閒愁不自持散雪已成新覆水
落花猶戀舊開枝他生補過期元稹此後尋春悔收之
證罷蘭因參絮果已涼天氣未寒時

送第花還杭州

經年客邸淡清歡臨別方知勝聚難莫惜離筵頻醉飲

須防行路慣春寒篷窗書聽佳兒讀

令子勤伯隨行

水驛花偕

好友看

視君霞軒同舟

羨爾歸程仙境似西泠況有舊漁竿

條生假館何氏蓉江別墅爲結夏之計兼踐數年

前與余卜鄰舊約有詩見示次韻奉酬

北馬南船悵別時十年未擬更連枝

余赴遊後條生旋亦入都喚別數年

去歲州

尋巢燕亦知安樂愛屋烏眞判等差招隱歌長

君有待買鄰價重我何辭留人莫負庭前桂他日秋風

定繫思

庭有老桂二株余訂條生俟過花事後去

輓王椒畦先生

學浩

東南耆舊多零落，一殿靈光又遽傾。
夏統早年傳獨行，韓康舉世識高名。
老從園圃徵經濟，閒借雲煙寫性情。
悵我春江遲鼓柁，封書回憶涕縱橫。

壬辰四月宮保陶雲汀制府

湖

偕鄒公眉觀察

錫

澹 謝默卿貳尹

元淮

諸人登東海雲臺山宮保首

唱七律四章同遊諸公和之並廣徵和作余以外
舅陳雲伯先生之命謹依原韻

鬱洲原是神仙島，中有仙人百尺臺。
浮海倘因鼇戴至，寥天應有鶴飛來。
樹森陽谷光迎旭，潮轉香輪響避雷。

數徧寰中諸嶽鎮此山氣象信雄哉

挂壁龍梭手自捫八州作督喚曾孫異書儘讀忘寒暑

大筆頻籌達曉昏萬里舳艫遙貢闕

謂海運事

千秋忠節盡

旌門

謂破格請忠義節烈事

旌

資江老屋詩人宅海內無如此集

尊

親籌海運沂當年此日籌離事亦然楊柳曉煙鳩喚屋
杏花春雨饋耕田臨興場遠宜增竈洪澤湖寬好放船
從此泮林鵲翠止一時參佐共敷宣

印心石屋心相印落紙元音雅頌聲慧業三生仙不俗
慈悲兩字佛多情南方草木紛丹實東海瓊瑤富玉英

我在莫釐峯下住每吟夕濟慕鴻征

汪蕙舫

世芬

蒐羅先世著述翰墨刊刻裝池斐然

有誦芬永澤之意感而賦贈

薄俗輕忘祖承先孰守先家珍儕瓦礫遺箸散雲煙此事關天性常言望後賢清門終自異述德有成編

素業繇何遠前徽續又今一函心血聚七葉手痕深世

重傳芳集

宋初吳越錢氏有傳芳集見讀書敏求記

家藏古墨林青箱諸右

族負荷幾人任

題金相堂

玉寶

填詞養病圖

得閒恰借病魔生自點紅牙最有情斜日圍廊誰按譜

藥爐聲沸作瓶笙

中年憐我病愁攻綺語消除舊夢空欲借新詞爲七發
豪情祇唱大江東

條生以令妹玉英女史曇華閣遺詩見示索題

一卷新詩豔玉臺左家小妹本清才如何鏤雪團香筆
祇比曇華一霎開

夫增才名小鳳皇畫眉筆爲寫詩忙傷心莫怪檀奴切
賸墨零箋鏡檻旁

歸黃君美之夫婦
並隨翁宦蜀中

蜀道頻年侍宦遊思親有淚灑江流定知萬里香魂返
入夢如生慰白頭

諸兄才調總無倫仲也先摧玉樹春

竹君抱才早逝

料得蘭臺

更愁絕他年續史待何人

送龔廉白

廷煌

赴官山左卽題其小園圖後

廉白華亭

人寓吳時所居有小園臨行圖以紀別

鷗鵬團聚亦前緣良會將離易惘然經歲小園留庾信

他年木榭話樊川匡時術業書堪仗

君愛讀道學經濟諸書

惜別

情懷酒有權期爾宦成歸隱早漁莊重付畫圖傳

君言異日

退官當置田泖上作漁隱終老

相堂以近周園圖索題與侶棠序伯叔美同作

煙墨粗疎稱我詩嗜痂端合笑君癡卻教畫苑添佳話

米老留題配虎兒

霜後園林碩果稠贈芳竟許作桃投君以園中商量第

二圖堪補屋角青黃一樹秋

族人晉卿族假劉氏寒碧莊為其母程太君稱觴

召客繪圖索題事在丙申秋預訂座客題圖而

為訪淮南桂樹秋娛親歡奉版輿留天回愛日春長駐

路近家園步易周近周家園潘岳閒居賦語廣座徵詩如合樂經年

得畫當添籀石林歸養吾宗事圖詠還期妙跡搜石林公福

州引退時繼母榮國太夫人尚在晉卿家藏古人名繪甚多末句亦想當然語耳

東坡捫腹圖象

平生肝膈幾人知
竟有蛾眉慰所思
差許贈言追老可
西湖雖好莫吟詩

新法橫行黨禍胎
命官磨蝎鵲爲媒
一時擁髻閒酬荅
冷看熙豐國事來

新得藜杖一枝頗瘦勁短歌代銘

藜爲蒿之屬其堅廼勝木
我老藉扶持相隨如健僕
一莖之艸化亦奇不在光芒堪照讀
君不見古來身倚安危有數才
往往初生出微族

毛叔美明經

慶善

出示顧晚芳夫人

蕙

所繪尙友

齋雅集圖索題

十年頻過隱君家，乞得香閨沒骨花。
今日披圖真欲拜，雲煙高擁絳帷紗。

尺幅流傳二百年，論交落落到前賢。
誰知畫札圖僑意，重與蕭齋訂墨緣。

選客渾如選畫精，今懽卻藉古懽成。
齋頭署得金蘭簿，開帙先題二老名。

瑟應琴調事事宜，再生管趙更奚疑。
蓮莊高會圖誰寫，此卷端應傲仲姬。

偕印川序伯挈兒子道芬讀畫尙友齋留連竟晷
恣極眼福再賦四截句書之卷後

訪舊重移李郭舟
畫林消夏快同遊
招涼那用冰山琢
四壁雲巒滿座秋

大湖橫塞鐵網高
搜奇自許鑒秋毫
但擎一樹珊瑚出
拋盡餘珍也足豪

衮師畫癖類書淫
偶許同窺翰墨林
漫擬耕煙少年事
恐教孤負二王心

清門鼎峙富收藏
劉氏山莊葉氏堂

謂寒碧山莊
暨眉壽堂

若向

畫城論割據
君家伯仲似孫郎

程修之

沂梅

有所生母之喪
索詩爲輓

時嫡母
尚在堂

明星伴月遽長辭
涕泣如歌燕燕詩
能佐采蘋陪季女

也依畫荻勗佳兒陶公才望因親顯
絡秀衷情付子知
力學從來堪慰母潛夫箸論是前師

題葉漁莊

承桂

五湖漁莊圖

一碧渺無際門臨萬頃湖有人狎鷗鷺長此老菰蒲
借景標名氏將身入畫圖當年西塞隱似爾勝情無
儂家三畝宅同在水雲間架屋螺峰近鳴榔龍渚還
一從泛萍梗幾載掩柴關何日道南佳從君把釣閒

代萼仙和余探梅之作仍疊前韻

此身真到妙香天一樹玲瓏玉比堅參禮合如逢古德
夢遊曾憶趁春眠烏篷行處鷗相導翠袖憑來鶴亦憐

小異人間看花侶雙聲驗出水蘭船

題王韞齋明經

汝玉

聞妙軒圖

定香攝意禪那事儒者清修異所聞但使心源葆真氣
自然鼻觀襲奇芬

平生一瓣歸依正中夜三霄籲告勤蘭室秘方休語世
任他蠅蟻各欣欣

題沈竹虛海上觀旭圖

海風捲濤濤捲雲海天佳氣相綢繆倏忽扶桑騰異采
下界曙光猶未分有客有客採芝侶曉策六鼇凌島嶼
迢然氣與朱霞高笑指瀛洲獨延伫此際知君無限情

萱庭愛日願長明更念春暉眷游子
驂騑將騁太行程
太行山高高不極咫尺欣瞻日五色
若木輝聯棣鄂輝
破浪乘風勵羽翼

相堂屬題病榻尋詩圖爲賦絕句報之

詩爲醫禁疑妨病病得心閒恰助詩
料理焚香兼埽地
清涼一服自家知

哭程賡堂廣丈

嶺梅

故友如黃葉飄零又到君生原宜放曠
病竟坐辛勤梁
燕悲更主江鷗悵失羣廿年尋舊夢
揮涕向寒雲

文社論交日鄉闈角藝年舟同元禮濟
鞭讓祖生先已

秋與君同舟赴試
君即於是科獲售
屢射春官策頻溫
夏課編壯心殊未

慰虛領一青瑣
選授宿松縣教諭欲俟病愈計偕故未即赴官

憶昔遭孤露相逢一慟時
廢莪哀共訴集蓼恨誰知
丙戌

六月先嚴捐館君亦於八月奉
諱唁君幕次相向而哭皆失聲
雁已驚行斷熊偏入夢

遲夜臺瞑目否白髮泣孀慈
仲弟蔭軒先卒有一子為君後而老母尚在

萬玉圍芳讌春風快舉觴
今春同人為君補祝四十生辰
豈期香雪海

遽近白雲鄉天上虬驂迅
江頭鶴笛涼繁花看又發觸

景淚沾裳

雲間老友周純白
良弼
壬寅夏避兵吾郡之木瀆

門人陸金祐為寫香谿寄跡圖索題

攝提之歲月惟皋長鯨橫海噓腥濤茸城礮火半空落
河魚沸擲林鳥號城中官吏皆背遁汝南高士臥難穩
家具隨身一舸攜何處桃源堪避隱靈巖山色迎船頭
埽門喜遇良朋留王尼幸免露處歎不須海外全家浮
勝緣恰向愁中獲詩酒聊將羈恨釋弟子丹青爲紀遊
在疚願無忘是役維時吳市訛言驚我亦盡室倉皇行
鴻山驚蕩兩旬住憂時未已還憂生歸來尺幅開魚素
示我新圖索題句西望香谿帶水通訪君擬問橫塘渡
海隅計日熄兵塵賣藥韓康休避人君善醫爲君更詠還
鄉樂一幀煙波柳上春

不至積善西院數載矣偶往探梅感及前遊仍疊

舊韻寄意

尋幽又到妙香天笑我浮生病骨堅偶憶前遊如短夢

所悲舊侶已長眠

謂印川

花遲似畏人頻問

鄉先生有問梅詩社

樹

老還令客自憐但得年時娛倦眼底須孤嶼倚春船

時有

談孤山梅花之盛者故云

楊曉山話虎阜踏月之勝索詩以紀

半塘煙柳晚蕭蕭情景常嫌易寂寥除卻高人誰領畧

露華如雪滿桐橋

末七字乃近人金子年句曉山嘗賞之故借用入此詩

人靜山空月一丸半池劍氣峭生寒萬家塵夢方酣際

始覺清涼獨享難

臺圯空餘半壁留生公遺跡草埋秋憑君試問臺前月

再照何年石點頭

生公講臺圯於癸卯正月壁間部不疑篆字四僅存其二

虎邱夜宴自青蓮

太白有虎邱山夜宴序見文苑英華豪興何勞效昔賢

我亦閒蹤耽冷趣訪碑時踏夕陽天

曾搜拓山中宋人題名

高第堂觀察丈

翔麟

以汪孝子鞠厂先生

昭小傳

及祠堂記索詩為其令子雪坡茂才

梅屬

近代徵吳獻汪倫至性純一經常訓于百行首娛親祠

宇旌揚重溪橋卜築新因君懷夏統負骨劇艱辛

堂

丈與夏秋田負骨歸葬紀事卷同示徵詩

小浮山人屬和芝翁歲朝賞菊詩元韻

一賦梅花興未殘
椒筵清對菊枝寒
秋容老尙逢春豔

詩味醑宜和酒餐
兆協延齡隨歲展
風高晚節耐人看

歸耕家有陶元亮
介壽心馳路百盤

小浮度歲適亦得盆菊數種供之寶

菊齋中遙爲堂上延年之祝

偕侶棠谷香探梅
通濟庵與覺阿上人
清談竟晷

疊前韻紀遊

一林香氣得春浮
地有支公舊跡留
似學宗雷來入社

更邀李郭與同舟
寒蔬味永談禪口
妙墨光澄鑒古眸

遇善慶松光上人出示書畫數種

閒其衍師花下坐
好詩欲和愧青邱

青邱集有詠梅次衍師韻五首上人
舊作梅花詩十章劇工故以相況

銅井山人索賦盆梅詩卽拈盆梅二字爲韻信口
而吟閱者勿疑其意有所諷也

耐冷梅花性依人性亦溫噓枯曾借力吐萼似酬恩跡
偶親文几身甘託瓦盆故山松竹侶笑爾耐移根
恰有江皋路垂垂一樹梅疎枝留月挂瘦蕊避春開豈
稱金樽賞難堪羯鼓催多君能破格繩削恕粗才

堯峯山過朱西生孝廉

綴

墓下作

似爾才華竟隱淪寒林指點暗傷神遺編自定千秋業
知止堂集皆雅望宜魁七子倫

與王升叔潘功甫沈閏生吳清如彭詠莪韋君

在日手定

蘇爲吳中詩七子名列賢書年已晚辛卯鄉舉齒已四十餘字符謚議品

原純君一字仲潔歿後張詠仙謂卽以潔字爲謚何愧紀羣父子風騷契埋骨

何期更結鄰陳雲伯先生與子小雲皆君文字交墓亦在此山

蘇春苗乞贈言卽詠其字勗之

膏雨一犁足平疇綠可憐生機看匝地物力戒貪天匪種鉏無蘖真源慨有泉懷新宜善養方寸亦春田

先外舅陳雲翁少年以仿宋畫院製團扇詩受知於學使阮公公卽以新製團扇贈之載其事於定香亭筆談晚年以此扇付余婦收藏裝冊索題翁時已逝詩成感愴無已

海內詩名五十年
騷壇爭說碧城仙
平生知遇淮南早
團扇風流第一篇

祇應扶贈合歡人

即用雲翁團扇詩句

載筆流傳物倍珍
不羨金

杯炫豪舉狀元銜
署牡丹新

明季黎遂球在揚州詠黃牡丹事

斷紈零落卅餘秋
鄭重攜交愛女收
那免西風感憔悴
江湖薄宦雪盈頭

遺箋我亦護叢殘
手墨裝成掩淚看

余以翁三十年太手札裝冊藏之

息謝公身後事
祇餘扇影尙團圓

家人遺物零落殆盡

雷甘谿茂才

淡

省親究州用杜詩
意作南樓縱目

圖

魯殿秦碑地斯樓說至今詩翁曾縱眺遊子更行踰遠
道思親夢高城覽古心庾公莫相擬風月偶登臨謂庾亮南樓

江山劉彥清

履芬

屬題寫秋心圖

顛顚情懷不自由少年無那易悲秋傷心時序銷魂地
雁影蛩聲並入愁

風霜爲鍊書生骨憂患能堅志士心省識人間秋氣好
金天一頌意何深

又題其莎廳課經圖

彥清尊人眉士大令佳曾知溧水縣引疾後沒於吳中圖

紀其幼時隨宦讀書事

墨莊餘韻尙堪尋

宋劉幾聚書貽子事

儒吏家風績學深請業事

多猶問絹傳經人老竟投簪十年燈火三生夢萬卷楮書一寸心今日草堂還自課夜烏啼伴短長吟

爲人題秋庭樂事橫看子

兒慧殊孺仲妻賢擬伯鸞詩書閒自課衡泌澹相安不是旅遊久焉知團聚難秋花解人意弄色助清懽

浦蓮航茂才

蘇慈

課荻軒圖

教子惟師古能貧學始端謀先居室擇力爲授經彈燈影三椽小書聲半壁寒誰言歐母德媲美後來難

令子名能立時還母訓溫欲伸反哺願難忘舊巢痕文

宇緣堪託丹青跡偶存何如師永叔手箸述親恩

曩在滬上曾錄憶存舊作一編聊應同人索觀僅昔
年刪定本十之六七耳近返里門查君蕉垞愛余詩
有嗜痂之癖既鈔副本并爲搜得逸詩數十章凡散
見朋舊集中及留題卷軸者採錄不遺餘力攜來見
示屬余補入噫余詩固無足取而蕉垞雅誼可風姑
徇其請以存之戊辰秋七月十如居士自記

古吳郡廟西首
謝文翰齋刻印